

Na osnovu člana 27. Statuta Državne regulatorne komisije za električnu energiju (“Službeni glasnik BiH”, br. 41/03, 59/04 i 2/10), na sjednici Državne regulatorne komisije za električnu energiju, održanoj 14. decembra 2017. godine, donijeta je

ODLUKA

O IZMJENI STATUTA DRŽAVNE REGULATORNE KOMISIJE ZA ELEKTRIČNU ENERGIJU

Član 1.

U Statutu Državne regulatorne komisije za električnu energiju (“Službeni glasnik BiH”, br. 41/03, 59/04 i 2/10), član 17. mijenja se i glasi:

“Članovi Komisije imaju jednaka prava, obaveze i odgovornosti u upravljanju radom Komisije i u predstavljanju i zastupanju Komisije u pravnom prometu pred drugim institucijama, organizacijama i reguliranim subjektima.

Svaki član Komisije iznosi, predstavlja i zastupa usaglašene stavove Komisije o pitanjima iz njene nadležnosti.

Predsjedavajući Komisije je *primus inter pares* u odnosu na druga dva člana Komisije, i:

- organizira pripremu, saziva i predsjedava sjednicama Komisije,
- potpisuje akte koje donosi Komisija,
- saopćava u javnim istupima usaglašene stavove Komisije, osim ako se o tome članovi Komisije drugačije dogovore.

Predsjedavajući Komisije se u obavljanju dužnosti predsjedavajućeg konsultuje sa druga dva člana Komisije.

Predsjedavajući Komisije može odrediti drugog člana Komisije da privremeno obavlja neke ili sve dužnosti predsjedavajućeg.”.

Član 2.

Ova Odluka stupa na snagu danom donošenja i objavit će se u “Službenom glasniku Bosne i Hercegovine” i službenim glasilima entiteta i Brčko Distrikta Bosne i Hercegovine.

Broj: 01-02-2-424-1/17

Predsjedavajući Komisije

14. decembra 2017. godine

Tuzla

Nikola Pejić